

gustaverint, tua gratia et bene **¶** dictione repleantur.
Per Christum Dominum nostrum. **R.** Amen.

Et benedictio Dei omnipotentis Pa**¶**tris, et Filii, et
Spiritus Sancti descendat, et maneat super hos panes,
vinum, et fructus, et super omnes ex eis gustantes.
R. Amen.

Aspergat aqua benedicta.

BENEDICTIO PANIS ET AQUÆ IN FESTO S. AGATHÆ CONTRA
PERICULUM IGNIS.

(Ex Rit. Vicen. Tarr. B. Ur. Ger. et Col. P. Sannig.).

- V.** Adjutorium nostrum in nomine Domini.
- R.** Qui fecit cœlum et terram.
- V.** Domine, exaudi orationem meam.
- R.** Et clamor meus ad te veniat.
- V.** Dominus vobiscum. **R.** Et cum spiritu tuo.

OREMUS.

Domine Jesu-Christe, Fili Dei vivi, qui es fons vi-
vus, et salus æterna credentium, qui de cœlo descen-
disti; bene **¶** dic, et sancti **¶** fica hos panes et aquam
in honorem beati Agathæ Virginis et Martyris depor-
tata, et concede per intercessionem ejus: ut ubicum-
que contra ignem comburentem, missa, aspersa, vel
posita fuerint, illico ignis evanescat, et penitus extin-
guatur. **Qui** vivis et regnas Deus, etc.

Et benedictio Dei omnipotentis Pa**¶**tris, et Filii, et
Spiritus Sancti descendat super nos, et super has crea-
turas panis et aquæ, et maneat semper. **R.** Amen.

Aspergat aqua benedicta.

TITULUS V.

DE VARIIS BENEDICTIONIBUS COMMUNIBUS.

Hæc pariter fieri possunt à quolibet simplici Sacerdote.

BENEDICTIO GENERALIS AD QUÆCUMQUE VOLUERIS.

(Ex Rit. Barcin. et Col. P. Sannig.).

- V.** Adjutorium nostrum in nomine Domini.
- R.** Qui fecit cœlum et terram.
- V.** Domine, exaudi orationem meam.
- R.** Et clamor meus ad te veniat.
- V.** Dominus vobiscum. **R.** Et cum spiritu tuo.

OREMUS.

Bene **¶** dic, Domine, creaturam istam N., ut sit
remedium salutare generis humani, et praesta per in-
volutionem sanctissimi Nominis tui, ut quicumque ex
ea vel eo sumpserint, vel usi fuerint, salutem animæ, et
corporis suscipiant sanitatem. Per Christum Dominum
nostrum. **R.** Amen.

Aspergatur aqua benedicta.

BENEDICTIO COMMUNIS SUPER FRUGES ET VINEAS.

(Ex Rit. Rom. Vicen. Tarr. et aliis et Col. P. Sannig.).

- V.** Adjutorium nostrum in nomine Domini.
- R.** Qui fecit cœlum et terram.

- ¶. Domine, exaudi orationem meam.
¶. Et clamor meus ad te veniat.
¶. Dominus vobiscum. ¶. Et cum spiritu tuo.

OREMUS.

Oramus pietatem tuam, omnipotens Deus, ut has primitias creaturæ tuæ, quas aeris et pluviae temperamento nutrire dignatus es, benedictionis tuæ imbre perfundas; et fructus terræ tuæ usque ad maturitatem perducas. Tribue quoque populo tuo de tuis muneribus tibi semper gratias agere, ut à fertilitate terræ esurientium animas bonis affluentibus repleas, et egenus et pauper laudent nomen gloriae tuæ. Per Christum Dominum nostrum. ¶. Amen.

Aspergat illas aqua benedicta.

BENEDICTIO SEMINUM COMMUNIS.

(Ex Col. P. Sannig).

- ¶. Adjutorium nostrum in nomine Domini.
¶. Qui fecit cœlum et terram.
¶. Domine, exaudi orationem meam.
¶. Et clamor meus ad te veniat.
¶. Dominus vobiscum. ¶. Et cum spiritu tuo.

OREMUS.

Te, Domine, petimus, ac rogamus, ut grana seminum, (*frumenti, siliquini, hordei, avenæ, ac aliorum cuiuscumque generis extant*) tuis oculis serenis, hilarique vultu aspicere digneris. Sicut autem per Moysem famulum tuum populo tuo pollicitus es dicens: aperit

Dominus thesaurum suum optimum Cœlum, ut tribuat pluviam terræ suæ in tempore suo, benedicatque cunctis operibus manuum suarum; ita oramus, Domine, ut nobis misericorditer præstes auxilium gratiæ tuæ, et super hæc seminum grana bene~~X~~ditionem tuam benignus effundas; non ea volucres cœli surripiant, non turbo subvertat, nec vis tempestatis, grandinumque excrescentia detruncet, nec aeris serenitas, aut inundatio pluvialis exterminet, sed incolumia, et superabundantia propter usum hominum ad plenissimam maturitatem perducere digneris. Per Christum Dominum nostrum. ¶. Amen.

Aspergantur aqua benedicta.

BENEDICTIO TERRÆ SEMINATÆ SEU PLANTATÆ.

(Ex Rit. Vicen. Tarr. Urg. et Col. P. Sannig).

- ¶. Adjutorium nostrum in nomine Domini.
¶. Qui fecit cœlum et terram.
¶. Domine, exaudi orationem meam.
¶. Et clamor meus ad te veniat.
¶. Dominus vobiscum. ¶. Et cum spiritu tuo.

OREMUS.

Bene~~X~~dicat nos, Deus, Deus noster, et terræ nostre ubertatem concedat, in centuplum amplificet fructus ejus, ut venientes in exultatione manipulos nostros colligamus. Per Christum Dominum nostrum.
¶. Amen.

Aspergat terram aqua benedicta.

BENEDICTIO AD QUODCUMQUE COMESTIBILE.

(Ex Miss. et Rit. Rom. Vic. Tarr. Barc. Urg.).

- v. Adjutorium nostrum in nomine Domini.
 R. Qui fecit cœlum et terram.
 v. Domine, exaudi orationem meam.
 R. Et clamor meus ad te veniat.
 v. Dominus vobiscum. R. Et cum spiritu tuo.

OREMUS.

Bene ☩ dic, Domine, creaturam istam N., ut sit remedium salutare generi humano et præsta per invocationem sancti Nominis tui; ut quicumque ex ea sumpserint, corporis sanitatem, et animæ tutelam percipient. Per Christum Dominum nostrum. R. Amen.

Aspergat id aqua benedicta.

BENEDICTIO CUJUSCUMQUE MEDICINÆ.

(Ex Col. P. Sannig).

- v. Adjutorium nostrum in nomine Domini.
 R. Qui fecit cœlum et terram.
 v. Domine, exaudi orationem meam.
 R. Et clamor meus ad te veniat.
 v. Dominus vobiscum. R. Et cum spiritu tuo.

OREMUS.

Deus, qui mirabiliter hominem creasti, et mirabiliter reformasti, qui dedisti medicinam ad tuendam hominum sanitatem: sanctam tuam de Cœlis bene ☩ dictionem super hanc medicinam infunde, ut hic, in cu-

lus corpus introierit, sanitatem mentis et corporis percipere mereatur. Per Christum Dominum nostrum.

R. Amen.

Aspergatur aqua benedicta.

BENEDICTIO COMMUNIS AD QUOSCUMQUE POTUS.

(Ex Col. P. Sannig).

- v. Adjutorium nostrum in nomine Domini.
 R. Qui fecit cœlum et terram.
 v. Domine, exaudi orationem meam.
 R. Et clamor meus ad te veniat.
 v. Dominus vobiscum. R. Et cum spiritu tuo.

OREMUS.

Creator, Conservator humani generis, dator gratiæ spiritualis, largitor æternæ salutis, tu Domine, mitte Spiritum Sanctum tuum cum superna bene ☩ dictione super hanc creaturam N., ut armata virtute cœlestis defensionis, illis, qui ea fruentur, proficiat ad corporis et animæ salutem ac tutelam. Per Dominum nostrum Jesum-Christum, etc. R. Amen.

Aspergatur aqua benedicta.

BENEDICTIO AD INITIUM ALICUJUS OPÉRIS BONI.

(Ex Rit. Vicen. Tarr. Urg. et Col. P. Sannig).

- v. Adjutorium nostrum in nomine Domini.
 R. Qui fecit cœlum et terram.
 v. Domine, exaudi orationem meam.
 R. Et clamor meus ad te veniat.
 v. Dominus vobiscum. R. Et cum spiritu tuo.

OREMUS.

Deus, à quo omne bonum sumit initium, et semper ad potiora progrediens percipit incrementum, concede quæsumus, supplicantibus nobis : ut quod ad laudem nominis tui inchoare aggredimur, æterno tuæ paternæ sapientiæ munere perducatur ad terminum. Per Christum Dominum nostrum. **R.** Amen.

BENEDICTIO SUPER AQUAS INFECTAS, VEL AQUARUM ET FLUMINUM, ET ETIAM AQUÆ PRO USU.

(Ex Rit. Vicen. et Urg. et Col. P. Sannig.).

- V.** Adjutorium nostrum in nomine Domini.
- R.** Qui fecit cœlum et terram.
- V.** Domine, exaudi orationem meam.
- R.** Et clamor meus ad te veniat.
- V.** Dominus vobiscum. **R.** Et cum spiritu tuo.

OREMUS.

Domine Jesu-Christe, qui Jordanis flumen benedixisti, et in eodem baptizatus aquas purificasti, ut elementum salubre efficeretur in remissionem peccatorum ; has aquas quoque bene ✠ dicere, et sancti ✠ facere digneris, ut nihil eis noxium, nihil pestilens, nihil corrumpens maneat, sed omnia pura et munda in eis efficiantur ; ut quæ ad usum hominum ex eis creatas sunt, cum gloria tua, et salute nostra sumamus. Per eumdem Christum Dominum nostrum. **R.** Amen.

Deinde aspergat aqua benedicta.

BENEDICTIO FRUCTUUM QUORUMCUMQUE.

(Ex Col. P. Sannig.).

- V.** Adjutorium nostrum in nomine Domini.
- R.** Qui fecit cœlum et terram.
- V.** Domine, exaudi orationem meam.
- R.** Et clamor meus ad te veniat.
- V.** Dominus vobiscum.
- R.** Et cum spiritu tuo.

OREMUS.

Domine Jesu-Christe, Deus de Deo, qui famulum tuum Beatum Blasium martyrio consecrasti, et Beatum Ubaldum, et Antonium Paduanum in gloria tua collacasti, bene ✠ dicere, et sancti ✠ facere digneris tua pietate hos fructus, quos indigne detulimus, per tui Sancti Nominis invocationem, et per intercessionem Beattissimæ Mariæ Virginis, et Beati Ubaldi, ac Antonii Paduani servi tui. Bene ✠ dic, sicut et ego bene ✠ dico, et sancti ✠ facio hos fructus, et ad profectum præsentis familie, atque omnium fidelium præsentium, et absentium pervenire concede : ut in quocumque loco deportati fuerint, salvi, maxime à dolore gutturis, et aliorum dolorum efficiantur, et omnes iniquitates sive illusiones Dæmonum, ab eorum habitaculis abscedant, et quicumque ex eis tenuerint et gustaverint, tua gratia et benedictione repleantur. Qui vivis et regnas, etc. **R.** Amen.

Aspergat aqua benedicta.

BENEDICTIO CARNIUM QUARUMCUMQUE, OVORUM
ET COMESTIBILIJ OMNIJ.

(Ex Col. P. Sannig.).

- ¶. Adjutorium nostrum in nomine Domini.
- R. Qui fecit cœlum et terram.
- ¶. Domine, exaudi orationem meam.
- R. Et clamor meus ad te veniat.
- ¶. Dominus vobiscum. R. Et cum spiritu tuo.

OREMUS.

Domine Jesu-Christe, Fili Dei vivi, qui es verus et immaculatus Agnus, quique immaculatus in ara Crucis peccata mundi delevisti, et nos ad ovile propriis humeris reportasti, has carnes, *vel* hanc creaturam ovorum, *vel*, etc., quas ad usus hominum creasti, bene~~¶~~dicere, et sancti~~¶~~ficare digneris, ut omnes ex eis sumentes, tuis benedictionibus repleti, et animæ et corporis sanitatem, te annuente, semper accepisse lætentur, Salvator mundi. Qui vivis et regnas in sæcula sæculorum. R. Amen.

OREMUS.

Deus, universæ carnis, qui Noe, et filii suis, de mundis et immundis animalibus præcepta dedisti, qui-que sicut olera herbarum, humano generi quadrupedia munda manducare permisisti, qui agnum de Ægypto Moysi, et populo tuo in Vigilia Paschæ comedere præcepisti in figuram agni Domini nostri Je-su-Christi, cuius sanguine omnia primogenita tibi de-

mundo redemisti, et Angelo juvante, omnem primo-genitum in Ægypto percuti præcepisti, servans popu-lum tuum Agni sanguine prænotatum: dignare quæ-sumus Domine Deus omnipotens, bene~~¶~~dicere, et sancti~~¶~~ficare has carnes ovium, *vel* hædorum, *vel* avium, *vel* quascumque carnes, ut quicumque de tuis fidelibus populis ex eis comederint, omni benedictione cœlesti, et tua perenni repleti gratia satientur. Per eumdem Dominum nostrum Jesum-Christum Filium tuum, qui tecum vivit et regnat, etc. R. Amen.

Aspergantur aqua benedicta.

BENEDICTIO CUJUSCUMQUE CIBI, POTUS, AUT MEDICINÆ.

(Ex Manual. seu Rit. Seraph. Ord. S. Franc.).

- ¶. Adjutorium nostrum in nomine Domini.
- R. Qui fecit cœlum et terram.
- ¶. Domine, exaudi orationem meam.
- R. Et clamor meus ad te veniat.
- ¶. Dominus vobiscum. R. Et cum spiritu tuo.

OREMUS.

Bene~~¶~~dic, Domine, creaturam istam N., benedic-tione sancta tua, ut sit omnibus utentibus ea salus mentis et corporis: et contra omnes morbos, atque universas insidias inimicorum tutamen, et singulare remedium, tantamque virtutem per signaculum sanctæ Crucis recipiat, ut omnes infirmitates sanet, spiritus malignos repellat, maleficiaque omnia dissolvat. Per Christum, etc. R. Amen.

Aspergatur aqua benedicta.

BENEDICTIO VESTIUM SEU INDUMENTI.

(Ex Rit. FF. Ord. B. V. M. de Mont. Carm. et Col. P. Sannig.).

- ¶. Adjutorium nostrum in nomine Domini.
¶. Qui fecit cœlum et terram.
¶. Domine, exaudi orationem meam.
¶. Et clamor meus ad te veniat.
¶. Dominus vobiscum. ¶. Et cum spiritu tuo.

OREMUS.

Domine Jesu-Christe, qui nostræ mortalitatis traheam induere voluisti, immensam tuam largitatem obsecramus; ut abundantem bene~~X~~dictionem in hoc vestimenti genus affluere digneris, atque ita hoc bene~~X~~dicas, ut *famulus tuus, qui eo usus fuerit* te vestiri mereatur. Qui vivis et regnas in sæcula seculorum. ¶. Amen.

Aspergantur aqua benedicta.

BENEDICTIO INDUMENTORUM, LECTI, VEL SIMILIJ.

(Ex Col. P. Sannig.).

- ¶. Adjutorium nostrum in nomine Domini.
¶. Qui fecit cœlum et terram.
¶. Domine, exaudi orationem meam.
¶. Et clamor meus ad te veniat.
¶. Dominus vobiscum. ¶. Et cum spiritu tuo.

OREMUS.

Exorcizo vos creaturas diversas indumentorum per eum, qui vos paravit ad ornamentum generis huma-

ni, ut sitis indumenta benedicta~~X~~, pura~~X~~, munda~~X~~, ab omni macula diaboli, et ministrorum ejus, et ab omnibus facturis, et maleficiis, cuiuscumque generis sint, et vires Diaboli retinere non positis, sed sitis in nomine divi Antonii Paduani indumenta pura~~X~~, benedicta~~X~~, et sanctificata~~X~~: quæsumus Domine, ut hæc indumenta purificare~~X~~ digneris, nam ego Sacerdos tuus hæc indumenta in tuo nomine, et divi Antonii Paduani bene~~X~~dico, puri~~X~~fico, et sancti~~X~~fico. Concede, Domine, ut qui ea portaverit, et induerit, cœlestis gratia, et benedictionis plenitudinem valeat accipere, ut ab omnibus dæmonibus et facturis sit liber, et defensus. In nomine Pa~~X~~tris, et Fi~~X~~lii, et Spiritus~~X~~ Sancti. ¶. Amen.

Aspergantur aqua benedicta.

BENEDICTIO PRO QUALIBET RE, QUÆ SPECIALEM BENEDICTIONEM NON HABET.

(Ex Rituali Gerundensi).

- ¶. Adjutorium nostrum in nomine Domini.
¶. Qui fecit cœlum et terram.
¶. Domine, exaudi orationem meam.
¶. Et clamor meus ad te veniat.
¶. Dominus vobiscum. ¶. Et cum spiritu tuo.

OREMUS.

Immensem clementiam tuam, omnipotens æterne Deus, humiliter imploramus; ut hanc creaturam, quam in usum humani generis tribuisti, bene~~X~~ dicere, et sancti~~X~~ facere tua pietate digneris, ut sit omnibus

eam adhibentibus salus mentis et corporis, et ubicumque fuerit applicata, tollatur omnis immunditia, et cesseret omnis impugnatio spiritalis nequitiae. Per Christum Dominum nostrum. R. Amen.

Aspergat aqua benedicta.

TITULUS VI.

DE BENEDICTIONIBUS RATIONABILIBUS IN DUO CAPITA DISTRIBUTIS.

CAPUT PRIMUM.

Quæ continentur in hoc primo capite fieri possunt à simplici Sacerdote.

BENEDICTIO INFANTIS.

(Ex Collect. P. Sannig).

- ¶. Adjutorium nostrum in nomine Domini.
- R. Qui fecit cœlum et terram.
- ¶. Domine, exaudi orationem meam.
- R. Et clamor meus ad te veniat.
- ¶. Dominus vobiscum. R. Et cum spiritu tuo.

OREMUS.

Domine Jesu-Christe, qui parvulos tibi oblatos, et ad te venientes amplexabar (hic ponat manus super caput infantis) manusque super illos imponens benedicbas atque dicebas: sinite parvulos venire ad me,

et nolite prohibere illos, talium est enim Regnum cœlorum, et Angeli eorum semper vident faciem Patris mei: respice, quæsumus ad infantium præsentium, vel infantis præsentis innocentiam, et ad suorum parentum devotionem, et clementer eos per ministerium meum bene ✕ dic, ut in tua gratia, et in tua misericordia semper proficiant, te sapiant, te diligent, te timant, mandata tua et parentum custodiant, et ad finem optatum feliciter perveniant, per te, Jesu-Christe Salvator mundi, qui vivis et regnas Deus. Amen.

Benedictio Dei omnipotentis Pa ✕ tris et Filii, et Spiritus Sancti descendat super vos, et custodiat, et dirigat vos, et maneat semper vobiscum. R. Amen.

Aspergantur aqua benedicta.

BENEDICTIO PUERORUM ET PUELLARUM.

(Ex Col. P. Sannig).

- ¶. Adjutorium nostrum in nomine Domini.
- R. Qui fecit cœlum et terram.
- ¶. Domine, exaudi orationem meam.
- R. Et clamor meus ad te veniat.
- ¶. Dominus vobiscum. R. Et cum spiritu tuo.

OREMUS.

Quæsumus, omnipotens Deus, pueris istis, pro quibus tuam deprecamur clementiam, bene ✕ dicere dignare, et per virtutem Sancti Spiritus corda eorum corroborare, vitam sanctifica, castimoniam decora, et sensus eorum in bonis operibus munitos informa: prospera tribue, pacem concede, salutem confer, charita-